



**Resumaziun dil protocol  
dalla radunonza communal  
dils 22 da november 2022, 20.00, en casa da scola (halla)**

---

**Tractandas**

1. Beinvegni ed elecziun dils dumbravuschs
2. Approbaziun dalla gliesta da tractandas
3. Approbaziun dil protocol dalla radunonza communal dils 07-06-2022
4. Presentaziun ed approbaziun dil preventiv 2023/24 dil Consorzi da scola Laax Falera Sagogn Schluein
5. Presentaziun ed approbaziun dil preventiv communal 2023
6. Fixar il pei da taglia per 2023
  - a) Taglia sin gudogn e facultad
  - b) Taglia sin schischom
7. Explicaziun/rapport dalla cumissiun pertuccont il rapport final dil project da fusiun Laax Sagogn Schluein
8. Orientaziuns
9. Varia

**1. Beinvegni ed elecziun dils dumbravuschs**

Il president communal Dr. Ralf C. Schlaepfer fa in cordial beinvegni a 38 votantas e votants. Sco dumbravuschs vegnan *Martin Tischhauser* e *Claudio Wellinger* proponi.

**Decisiun: La radunonza communal elegia unanim ils dus proponi sco dumbravuschs.**

**2. Approbaziun dalla gliesta da tractandas**

**Decisiun: La radunonza communal approbescha unanim la gliesta da tractandas.**

**3. Approbaziun dil protocol dalla radunonza communal dils 7 da zercladur 2022**

**Decisiun: La radunonza communal approbescha unanim il protocol dalla davosa radunonza communal.**

**4. Presentaziun ed approbaziun dil preventiv 2023/24 dil consorzi da scola superiur scolaviva**

Il preventiv 2023/24 dil Consorzi da scola Laax Falera Sagogn Schluein preveda entradas ed expensas da frs. 7'478'200.

**Decisiun: La radunonza communal approbescha unanim il preventiv 2023/24 dil Consorzi da scola superiur scolaviva.**

**5. Presentaziun ed approbaziun dil preventiv communal 2023**

Il preventiv communal che la suprastanza ha elaborau quenta pil 2023 cun in surpli d'entradas da frs. 47'210, quei tier entradas da frs. 3'231'340 ed expensas da frs. 3'184'130. Il quen d'investiziun preveda expensas da frs. 2'090'000 ed entradas da frs. 588'000.

**Decisiun: La radunonza communal approbescha unanim il preventiv communal 2023.**

**6. Fixar il pei da taglia per 2023****a) Taglia sin gudogn e facultad**

**Decisiun: Unanim e cun maunpli suonda la radunonza communal la proposta dalla suprastanza communal. Il pei dalla taglia sin gudogn e facultad resta sin 50%.**

**b) Taglia sin schischom**

**Decisiun: Unanim e cun maunpli suonda la radunonza communal la proposta dalla suprastanza communal. Il pei dalla taglia sin schischom resta sin 1,5‰.**

**7. Explicaziun/rapport dalla cumissiun pertuccont il rapport final dil project da fusiun Laax Sagogn Schluein**

Ella cumissiun han Marzel Caviezel, Adrian Schlund ed Adrian Maissen fatg part. Adrian Maissen explichescha ils sudandonts punts.

*positiv:*

- sligiazion potenziala dils problems per l'occupaziun dils uffecis communal
- gronda vischnaunca romontscha
- purschidas supplementaras pil temps liber
- reducziun dil pei da taglia e dalla taglia da schischom
- novas plazzas da lavur

*negativ:*

- «principi da maiorz» sa daventar in disavantatg per interessents da Schluein en cass d'elecziuns
- renunzia dall'autonomia
- reducziun dalla facultad per tgau da rodund frs. 22'000 sin frs. 13'000
- alzament dallas taxas da turissem
- formaziun directa dalla planisaziun da zonas
- pli liungas periodas d'uffeci

Convischinas e convischins ein dil meini ch'il traffic atras la vischnaunca vegn cun ina fusiun buca pli pigns. Sagogn vegn pli attractiv (bia pli bass pei da taglia) ed aschia vegn tgunsch era baghegiu dapli. Era ei vegniu menziunau che Schluein vegn cun ina fusiun a piarder empau dall'attractivitat. Actual ha Schluein ensemen cun Laax il pli bass pei da taglia en la Surselva.

**Decisiun: Negin, ei stau per informaziun.**

**8. Orientaziuns**

Neginas.

**9. Varia**

1 convischin giavischa il plaid.

Finiziun dalla radunonza: allas 21.10.

Schluein, ils 22 da november 2022

**PER LA RADUNONZA COMMUNALA SCHLUEIN**

Il president:

Il scarvon:

Dr. Ralf C. Schlaepfer

Marco Tschuor